



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Acidulam Fontis Melliti, Juxta Smechtam, pagum Dioecesis
Paderbornensis.

urn:nbn:de:hbz:466:1-11215

AD ACIDULAM
FONTIS MELLITI,

*Juxta Smechtam, pagum Diæcessis
Paderbornensis.*

Nympha decus silvæ , pulcherrima Nympha sorores
Inter Hamadryadas , Naïadasque deas.
Quis te præfenti sparsit medicamine ? quis te
Melliti fontis nomen habere dedit ?
An , magis ut saperent , acidas tibi dulciter undas .
Ambrosia succis diluit ipsa Salus ?
An velut Hyblæis è floribus omnia libat
Fingendi studio sedula mellis apis ;
Sic , dum nunc ferri venas , nunc æris oberras ,
Vim trahit inde tuæ , quæ fluit , humor aquæ ?
Quicquid id est : stomachi fastidia vincis inertis ,
Nec finis accensum bile tumere jecur ;
Et quæ præterea versu comprehendere non est ,
Sæpius innumeris pota medere malis.
Salve Naturæ mulsum , gratissima morbis
Sospita , languentum nectar , inempta salus ;
Quod mihi si bilem solitâ virtute coërces ,
Quæ jecori , nimio dum furit igne , nocet ;
Carminibus nostris decorataque marmore , nomen
Grande salutiferas inter habebis aquas.